

جَزَائِرِ مَحَاكِرِ

جمعه ایرتسی

نومرو	محرم	سنه	حزیران	سنه	صفحه
۸۸۲	۲۹	۱۳۱۴	۲۹	۱۳۱۲	۱۲۴۲۹

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکریمی فروش)
 (حسابیه التمش فروشدر . طشره لر ایچون اون بش فروش پوسته اجرتی ضم اولتور . بهر)
 (نسخہ سی ینہ مجیدیه یکریمی فروش اولقی اوزره یوزیاره یه هریرده صاتیلور . درج اولنه جق)
 (اعلاناتک هر برندن بر مجیدیه اخذ اولتور . سنه لکنه مشتری اولقی استیانلر عدلیه نظارتی)
 (دائره سنده کائن جریده محاکم اداره سنه مراجعت ایللیدر)

قسمت سومی

(فی ۱۱ محرم سنه ۳۱۴ وفی ۱۱ حزیران)
 (سنه ۳۱۲ تاریخیه بالجمله ولایات استیناف)
 (محکمه سی مدعی عمومیلرینه ومدعی عمومی)
 (بولنیمان محللر مدعی عمومی معاونلرینه یازیلان)
 (تحریرات عمومیه صورتیدر)

زراعت باقعه سنک اقراضات عتیقه دن منبعث
 مطلوباتی خزینہ جلیله نك مطلوبات سائرہ سی

حقنہ کی قاعدہ جاریه یه تابع اوله جفی درکار
 ایسه ده اقراضات جدیدیه قارشو وکالت دوریه
 ایله مرهون بولنسان املاکک بیع وفروختی
 خصوصنده مذکور باقعه نظامنامه سنه ذیل
 ایدیلان مواد مخصوصه احکامنه توفیق حرکت
 اولتمق یعنی وفات وقوع بولسه بیله عین معامله
 اجرا ایدلمک لازم کله چیکی اولبابده تجارت ونافعه
 نظارت جلیله سنندن مبعوث تذکره اوزرینه
 لدی الحواله انجمن عدلیه دن بامذکره بیان واقاده
 اولتمش وصور مشروحہ دائره سنده ایضای معامله
 اولتمق ودائرة مأموریتکنز داخلنده بولنسان

حاکم تبلیغ ایدلک اوزره اشبو نحریراتک
نسخ مطبوعه کافیه سی لفا ارسال قلندینی
بیانیه شقه .

(فی ۲۱ محرم سنه ۳۱۴ وفی ۲۱ حریران)
(سنه ۳۱۲ تاریخیه بالجمله ولایات استیناف)
(محکمه سی مدعی عمومیلرینه ومدعی عمومی)
(بولنیان محکم مدعی عمومی معاوئلرینه یازیلان)
(نحریرات عمومی صورتیدر)

رژی جزای تقدیرینک عدم ایفاسندنطولایی
رژی مأمورلرینک وقوعبولانطلب واستدعالری
اوزرینه بعض محاکم دوائر اجراییه سنجه قاجیلر
عده لرند کی املاک و اراضی حجز وفروخت
اولمقده وحقی بوقیلدن اوله رق جزای تقدیریه
محکوم بر شخصک الی ماه حبسندن صکره
عده سنده کی املاک و اراضینک صائم سنده قیام
اولمق کبی معامله و حرکتده بولمقده اولوب
بویاسه رژی نظامنامه سنک احکام عمومی سنده
مخالف و مغایر اولدیفندن بختله بعض طرفدن

استفسار معامله اولمقده ناشی کیفیت انجمن عدلیه
لدی الحواله محکوم به جزای تقدیدن طولایی
قاجیلرک بالکیز قلیه و آلات و ادوات مضبوطه .
سنک فروختی لازم کلوب املاک و اراضی و اموال
سائر سنک فروخته دائر برکونه صراحت قانونیه
اولدینی کبی آلات و ادوات مذکوره اثماننک
عدم ایفاسندن وتادیبه سنه ارائه کفالت و تأمینات
ایدیه مامسندن طولایی مذکور جزای تقدی
تحصیل اولنه مدینی صورتده یا لکیز نظامنامه
مذکور موجب سنجه حبسی جهت کیدلسی اقتضا
ایده جکی وشو حالده دوائر اجراییه حجز
وفروخت اموال کبی بر معامله اجراسنه قیام
اولمسی خارج از قانون بر حرکت اولمسیله رهین
جواز اوله مدقندن بشقه بویله نظامنامه مخصوص
ایله احکامی معین اولان مواد حقندن دخی بیه
احکام خصوصیه دائره سنده اجرای معامله اولمسی
مقتضی اولوب یوقسه برکونه صراحت اولمقده
حقوق سائر عادیده جریان ایدن فائدهیه توفیق
معامله اولمسی قطعاً جائز اوله میه جفتک جواباً
تبلیغیه برابر بوکی زراعت مغدوریتلرینی مؤدی
حالات و خلاف نظام و قانون معامله و حرکاته
میدان ویرلما سنه دقت و اعتنا ایدلسی بامذکره
افاده واشبو نحریرات عمومی سنک نسخ مطبوعه

کافیه سیده لفا طرفکزه فرستاده قلنمش اولمقده
مأموریتکیز داخلنده کی محاکمه برمنوال محرر
ایضای معاملهیه دقت و اعتنا اولمسی سیاقنده
شقه .

قسم غیر رسمی

(یکی واروش قضای بدایت محکمه سندن)
(۳ کانون اول سنه ۳۱۰ تاریخی ایله ویریلان)
(اعلامک مابعدی)

بدل مثلیله مدعی علیه مزبور میرقودن بالاسترداد
مدعییه تقویضنه واجرت وکالت و سائر سنک
تحصیلنه حکمدن و مستدعی تمیز میرقونک اشبو
حکم علیهنده لایحه سنده محرر اعتراضاتنک
خلاصه سی اراضی منازع قیهای فراغده اولا
کیرویه تکلیف اولدینی حالده طالب اولدینی
اقرارله عندالحاکم انکار ایلمسی اوزرینه اشبو
اقراری اقامه اولنان شهودک شهادت واقعیه
تین وتحقق ایلدیکی حالده محکمه حجه شهود

مستمعه نك دعوائی واقعیه کویا موافق صورتده
ادای شهادت ایده مامش اولدیفنک سر رشته سبله
رد ایدلش ایسه ده اعلام ابتدائیده محرر اولدینی
وجهله شاهدلردن بکراغانک اراضی مذکورده
شریک اولمسی و بویاده کی شهادتی کندی قلمنه
معطوف بولمسی سبب اتخاذ قلنمش وسبب مذکور
مانع شهادت اولدینی کبی ثمن مبیع دخی قرق
عدد لیرای عثمانیدن عبارت بولدینی اوراق
رسمیه مندرجاتیه ثابت ایکن محکمه حجه بوراسنک
نظر اعتباره التمسین اراضی مذکورده نك
استردادینه حکم و قرار ویرلسی بولسز و مغایر
قانون اولدیفندن بختله اعلامک تقضی استدعاسندن
ومدعی علیه کیرونک لایحه سنده مندرج نتیجه
اجوبه سی ایسه اعتراضات مسروده نك واهی
وبی اساس اولدینی بیانیه ردی و موافق اصول
و قانون اولان اعلامک تصدیق طلبندن عبارت
بولمشدر .

ایجابی مذاکره اولمقده اعلام مذکور
مطالعہ سندن منقهم اولدینی اوزره منازع قیه
اراضینک بدل فراغی قرق لیرای عثمانی اولدینی
اولسایده کی فراغ علم و خبری مندرجاتیه ثابت
اولدیفندن بدل مذکورک قرق لیرا اولوبوده

التمش بش مجار التونی اولدینک بینة تحریر ايله اثبات اولمسی واولنه مدینی حالده بدل فراغك قرق لیرای عثمانی اولوب التمش بش مجار التونی اولدینک دائر مدعی علیه مرقونك امر تحلیفی اجرا قلنمق اقتضا ایدر ایکن محکمه جه بوراسنك نظر اعتباره التمسین بایع نظیف اغانك افاده سنه بناء بدل مذکورك التمش بش مجار التونی اولدینک حکم ایدلسی یولسز و مفایر قانون اولدینک و مستدعی مرقومك اعتراضی دخی بو جهته متدائر اوله رق شایان قبول بولندینک بناء اصول محاکمه حقوقیه قانوننك ایکوز قرق برنجی ماده سی موجبجه اعلام مذکورك یالکز بوجهندن طولای نقضیه قانون مذکورك ایکوز قرق دردنجی ماده سی حکمنه توفیقاً کیفیتك صور محرره دائره سنده بالرؤیه اعلامه ربطی ضمنتده محکمه مذکوره به اعاده سنه وزیرده مفرداتی مرقم اوچوز التمش اوچ بچق غروش مصارف تمیزیه نك ایلروده حقسز چیه جق طرفه رجوع ایتك اوزره اول امرده مستدعی مرقومدن التمسینه ۲۲ تشرین ثانی سنه ۳۱۱ تاریخنده متفقاً قرار ویرلدی .

اعلام مذکورك خلاصه مالی زراعت بانقهنك آراج شعبه سی مأموری مذکور بانقهنك مزبور ابراهیم اغادن باسند الاجنی اولان التیوز کسور غروشك مع فائض تحصیلنی طلب ودعوی وسند مذکوری ابراز واعطا ایتسی و مزبور ابراهیم اغا دخی بشك التي بچق غروش اعتباریه اوچوز غروش الیقنی اعترافله برابر سننده محرر فائضدن بشقه فائض قبول ایتیه جکنی بیان و انبا ایلوسی اوزرینه اولباید اجرا قلنان محاکمه و تدقیقات نتیجه سننده مذکور سننده یالکز وعده سنه قدر ایشلیه جك فائضك اعطاسی

محرر اولوب اندن صکره فائض ایشلیوب ایشلمیه جکنه دائر برکونه صراحت اولدیندن ختام وعدنه دن صکره فائض طلبنك ردیه رأس المال اولان اوچوز غروشك حلول وعده سنه قدر ایشلمش اولان گذشته سیله برابر تحصیلنه حکمدن و مستدعی تمیز زراعت بانقهنک وکیلنك ایشبو حکم علیه نده کی باشلوجه اعتراضی سننده فائض مقاوله سی مندرج اولدینی جهته وعدنه دن صکره ایشلیان فائضك دخی تحت حکمه التمسینی ملک صندوقلری نظامنامه سنك یکریمی بشنجی ماده سی مقتضاسندن ایکن محکمه جه بوراسنه دقت اولنامسی مخالف قانون اولدیندن بمثلله اعلام مذکورك نقضی استدعاسندن ومعاون مومی الیهك مطالعه سی دخی متن اعلامده مندرج سند منازع فیهك مطالعه سندن منفهم اولدینی اوزره دین مذکور فائضی اولسنه مبنی اعتراضات واقعه نك موافق قانون اولدینی بیانندن عبارتدر .

الجبای لدی المذاکره اعلام مذکور مطا له سندن ا کلاشلدینی اوزره دعوی واقعه منافع عمومیه عائد تأسیساتدن معدود اولان زراعت بانقهنه متعلق اولمق حسینیه انشای محاکمه سننده مدعی عمومی دخی حاضر بولندیرله رق مطالعه سی

استفسار اولمق تشکیل محاکم قانوننك التمش بشنجی ماده سی اقتضاسندن ایکن محکمه مذکوره جه مأمور مومی الیهك حضورینه اعتنا ومطالعه سنك استماع قلنامسی یولسز و اصول و قانونه مفایر اولدیندن اصول محاکمه حقوقیه قانوننك ایکوز قرق برنجی ماده سی موجبجه اعلام مذکورك نقضیه قانون مزبورك ایکوز قرق دردنجی ماده سی حکمنه توفیقاً کیفیتك یکیدن بالرؤیه اعلامه ربطی ضمنتده محکمه مذکوره به اعاده سنه وزیرده مفرداتی مرقم اوچوز الی درت بچق غروش مصارف محاکمه نك ایلروده حقسز چیه جق طرفه رجوع ایتك اوزره اول امرده مستدعی تمیزدن اخذینه ۲۰ اغستوس سنه ۳۱۰ تاریخنده متفقاً قرار ویرله رک تفهیم قلندی .

دده آفاج بدایت محکمه سندن تجارت صفتیه ۶ تموز سنه ۳۰۷ تاریخنی واون الی عددی ايله ویریلان اعلامك تمیزنی استدعایدن دده آفاجده بیوک شوسه جاده سننده مغازه ده مقیم تجاردن

صامیو قرنداشلر ایله مدعی علیه بلغارستان
شمندو فرلری دیرکتوری موسیو غرو زفک
بوم معینه دائرهیه ورود ایتمک لرندن اصول
محاکمه حقوقیه قانوننک ایکوز یکرمی طقوزنجی
ماده سی موجبجه تدقیقات تمیزیه اجراسنه ابتدار
اولدقدن و اولباده کی اوراق دعوی قرائت
و مطالعه ایدلدکن صکره ایجابی مذاکره
اولدقده اعلام مذکور مالی مرقوم موسیو
غرو زف ایله صامیو قرنداشلر بیننده متکون
ضرر و زیان دعوا سندن طولانی موسیو غرو زف
طرفندن اثبات مدعا ضمنتده ابراز ایدیلان
مصدق شهادتنامه شایان التفات کوریه مامسی
منع معارضه لرینه دائرده آغاج بدایت محکمه سندن
تجارت صفیه و بریلان اعلامک عندالاستیناف
مبرز شهادتنامه حکمه کافی کوریه مدیکی تقدیرده
صور سائر ایله مدعی به اثبات مدعا ایتدیرلمک
ایجاب ایدر ایکن بوراسنه دقت ایدلما سندن
ناشی فسخبله محکمه مذکوریه اعاده قلمسی
اوزرینه محکمه مذکوریه به تکرار جریان ایدن
محاکمه دعوی مبحوثه نک یکیدن رؤیتنه
محکمه نک صلاحیتدار اولدینی قرارندن عبارت
بولمش اولسنه نظراً قرار واقع اساس دعوا
حقنده بر حکم قطعی متضمن اولدیقنه و بموقوله

مقرراتک شمیددن تمیزاً تدقیقه مساع قانونی
بولندیقنه بناءً اصول محاکمه حقوقیه قانوننک
ایکوز اون سکوزنجی ماده سی حکمه توفیقاً
اولباده کی تمیز استدعاینامه سنک ردینه وزیرده
مفردائی مرقم یوز اوتوز اوج یحق غروش مصارف
تمیزیه نک ایلروده حقسنر چبقه حق طرفه رجوع
ایتمک اوزره اول امرده مدعی علیه دن اخذو
استیفا سنه ۳ مایس سنه ۳۱۱ تاریخنده متفقاً
قرار و برلدی .

سرفیچه بدایت محکمه سندن استینافاً ۲۶ تموز
سنه ۳۱۰ تاریخی و یکرمی یدی عددی ایله
و بریلان اعلامک تمیزینی الاصولیه تابع
عمواریه چفتلککنده مقیم لسقوو یکلی دانیال
رمزی بک استدعا ایتدیکی حالده تعیین اولنسان
کونده دائرهیه کلدیکنندن مدعی علیهم اسقویک
قصبه سنده مقیم لیبیه و حقیظه و فاطمه خانم و کیلی
احمد مختار آفتدینک ابضاحات شفاهییه سی استماع

قله رق تدقیقات تمیزیه اجراسنه ابتدار
اولندی .

اعلام مذکورک خلاصه مالی مزبوره لیبیه
و حقیظه و فاطمه خانمک الاصولیه تابع عمواریه
چفتلککنده متصرفه اولدقلری معلوم الحدود
اراضی و باغ و خانه و مشتملات سائر لرینی
مومی الیه دانیال بک اوج سنه و سنوی اون اوج
لیرا اجرتله استیجار ایتش ایسه ده ختام مدته
طرف لرینه تسلیم ایتدکن بشقه خانه لرینی بالتخریب
بو باید و دوچار اولدقلری التمش لیرا ضرر و زیان
ایله خارج مقوله مرور ایدن اوج سنه نک بدل
ایجاری اولان اوتوز طقوز لیرانک تحصیلله مذکور
چفتلکک تخلیه سی حقنده استحصا ایلدکاری
اعلام غایبک عندالاعتراض تصدیقه دائر
الاصویه بدایت محکمه سندن لاحق اولان اعلام
علیهنده مومی الیه دانیال بک طرفندن استیناف
دعوی اولمش و اخیراً تعیین قلنان کونده
مستألف مومی الیهک اجابت ایتماسی اوزرینه
وکیل مسخر تعیینله اجرا قلنان محاکمه و تدقیقات
نتیجه سنده منازع فیه اولان چفتلکی مومی الیه
دانیال بکک مقدما سنوی اون اوج لیرا بدل ایله
استیجار ایلدیکی انشای محاکمه و قوعبولان

اقراری و اولباده ابراز اولنسان مقوله نامه
مندرجاتبله تحقیق ایتش و اقتضای مدته تخلیه
مأجور ایتدیکی حقنده کی ادعای ایسه قول مجردنده
اولوب منازع فیه چفتلکک الآن مستأجر مومی الیه
یدنده ایدوکی تحقیقات واقعیه ایله ثابت اولمش
اولسنه بناءً محله نک بشیوز طقسان التبعی والتیوز
التبعی ماده لری موجبجه مذکور چفتلکک
تخلیه سیله برابر سنوی اون اوج لیرادن اوج
سنه نک اجر مسمای اولان اوتوز طقوز لیرانک
مستألف مومی الیه دن تحصیلنه حکمدن واشبو
حکم علیهنده مستدعی تمیزک لایحه سنده محرر
باشلوجه اعتراضی بموقوله اراضی دعوا لرنده
اراضی قانوننامه هایوننه توفیق معامله اولمش
مقتضی ایکن عندالاستیناف محله حکمه بنا ایدلمسی
مغایر قانون اولدیفندن بحثله اعلامک تقضی
استدعاسندن و مدعی علیهم وکیلک نتیجه جوابی
دخی حکم واقع موافق اصول و قانون اولوب
اعتراض مذکور واهی و بی اساس ایدوکی
بیانیله ردی و اعلامک تصدیقی طلبندن عبارت
بولمشدر .

ایجابی لدی المذاکره اعلام مذکور مآلندن
منفهم اولدینی اوزره محکمه استینافیه جه مستألف

مومی اليهك لاجل المحاكمه وقوعبولان دعوته
عدم اجابتى اوزرينه مستأنف عليهك حكم
ونظامك اجراسى طلبنده بولنش اولميرنه نظراً
استينافى محكمه سنجه مستأنف مومى اليهك دعواى
واقعه سنك موقتاً سقوطه قرار ويرلك اقتضا
ايدرايكن محكمه مذ كوره جه بوداثره قانونيه دن
معامله اولناماسى يولسز اصول وقانونه مخالف
اولديغندن اصول محاكمه حقوقيه قانوننك ايكيوز
قرق برنجى ماده سى موجبجه اعلام استينافى
مذ كورك تفضيله قانون مزبورك ايكيوز قرق
دردنجى ماده سى حكمنه توفيقاً كيفيتك بالرؤيه
اعلامه ربطى ضمننده محكمه مذ كوره به اعاده سنه
وزبرده مفرداتى مرقم بشبوز يكرمى ايكي يچق
غروش مصارف تميزيه نك ايلروده حقسنز
چيقه حق طرفه رجوع ايتك اوزره اول امرده
مستدعى تميزدن استيفاسنه ۲۷ ايلول سنه ۳۱۱
تاريخنده اكثريت آرا ايله قرار ويريله رك
تفهيم قلندى .

اعلام مذ كورك خلاصه مالى مرقوم
خرستونك امتعه ائمانندن طولابى مزبور واسيل
ذمتده الاجبى اولان مبلغك تحصيلنه دائر
عن الغياب برات تجارت محكمه سندن استحصا
ايلمش اولدينى اعلام عليهنده مرقوم واسيل
طرفدن اعتراض على الحكم استدعاسى اعطا
ودعواى واقعه نك اولونيه تجارت محكمه سنه طائ
اولديغنى ادعا ايلمسى اوزرينه جريان ايدن
محاكات وتدقيقات نتيججه سنده معترض مرقوم
واسيلك درميان ايلديكى صلاحيت اعتراضك
ردى قراركبر اولدقدن صكره معترض مرقوم
مبلغ مدعا به دنى ايدوكنى انكار ايلمسى
ومعترض عليه دنى امتعه مذ كوره بى معترضك
شريكى علكى به ويرمش ومبلغ مدعا به حسب .

برات تجارت محكمه سندن ۲۹ كانون اول

الشركه مطلوبى بولنش اولدينى ادعا ومعترض
علكسى ايله شريك اولديغنى دنى انكار ايلمسى
ومعترض عليه دنى شركتى اثبات ايچون ابراز
ايلديكى ورقه محكمه جه كافى كوريله مامسى اوزرينه
امتعّه مذ كوره معترضك دكانه نقل اولمغله
اثمانى كندوسندن استيه جكنى انبا وامتعه
مذ كوره كندى دكانه نقل اولمغله دائر
معترض مرقومه تكليف ايديلان يمين ايچون
محكمه به كليجكنى وكيكلك افاده ايتمى اوزرينه
اولبابدهكى اعتراض على الحكم استدعاسك رديله
اعلام غيايى مذ كورك تصديقه حكمن
ومستدعى تميز واسيلك اشبو حكم عليهنده
لايحه سنده محرر اعتراضك خلاصه سى كويا
تجاردن علكسى خجئونك اشياى طرفدن ضبط
ايدلمش اولديغنى مررشته سيله كندوسى محكوم
ايدلمش ايسوده بو يولده بركونه اشيا ضبط
ايتديكى كى بالفرض ضبط ايلمش اولدينى تحقق
ايتمش اولسه بيله مرقوم علكسينك دعوى ايتمى
ايجاب ايدرايكن خلاف اصول اوله رق خرسونك
اقامه ايلمش اولدينى دعوانك قبول واولوجهله
تحليفنه قرار ويرلمسى يولسز ومغاير قانون
اولديغندن محمله اعلامك نقضى ومدعى عليه
خرستونك لايحه سنده مندرج نتيججه اجوبه سى

ايسه اعتراضات مسرووده نك واهى وبى اساس
اولدينى بيانيله ردى وموافق اصول وقانون
اولان اعلامك تصديقى استدعاسندن عبارت
بولمشدر .
ايجابى مذاكره اولندقدن اعلام مذ كور
مطالعه سندن منفهم اولدينى اوزره مرقوم
خرستونك امتعه ائمانندن مطلوبى اولان مبالغك
تحصيلنه دائر برات بدايت محكمه سندن غيايى صادر
اولان اعلام عليهنده مرقوم واسيل طرفندن
اعتراض على الحكم استدعاسى اعطا قلنه رق
عندالحاكمه تكليف اولنان يمينى مرقوم واسيلك
قبول واجرادن امتناع ايتمى اوزرينه اولبابدهكى
استدعاسك رديله اعلام غياييك تصديقه قرار
ويرنش ايسوده بومقوله اعتراض على الحكم
اوزرينه اعلام اول غياييك تصديقى حاوى اعطا
اولنان اعلاماته اعلام معترض بهك عيناً وباخود
اساس دعوى وحكم اكلاشيله بيله جك صورتده
مألاً درجى مقتضى ايكن درج ايدلماش وامر
تحليفك لزوم اجراسى حقنده اسباب موجب
كوستلامش اولمى يولسز ومغاير قانون اولديغنه
بناءً اصول محاكمه حقوقيه قانوننك ايكيوز اوتوز
ايكنجى وايكيوز قرق برنجى ماده لرى موجبجه

صکرة تدقیقات تمیزیه اجراسنه ابتدار قلندی .

اعلام مذکورک خلاصه مالی مرقوم آندونک

مزبور یورکی به صاعش اولدینی معلوم المقدار

طوغله ائمانندن از غیر تسلیات الاجنی اولان

بیک التیوز سکسان یدی غروشک تحصیلنی طلب

ودعوی ایتسنه قارشو عندالحاکمه مرقوم یورکی

دخی مدعی آندون ایله برکونه معامله سی اولدینی

مدافعه بیان ایتش ایسهده مرقوم آندونک

مزبور یورکی ذمتده الاجنی اولدینی اولیایده

استماع اولنان شهودک شهادتیه تحقق ایتش اولغله

مدعا به اولان بیک التیوز یتش درت غروشک

مرقوم یورکیدن تحصیلنه حکمدن و مستدعینک

اشبو حکم علیهنده لایحه سنده محرر باشالوجه

اعتراضی دعوی واقعه بش بیک کسور غروشدن

متباق اولوب بومثللو دعاوتنک سنده اثبات

ایدلسی لازم کلور ایکن شهود شخصییه ایله حکم

ایدلسی واشترا اولنان طوغله دعوی مذکوره به

شهادت ایدن ایشولدن التوب وبدلی دخی تسویه

ایدلیکی جهنله مرقومک شهادت ایتشی جائز

اوله میه جنی اثنای محاکمه ده بیان ایدلس اولدینی

حاله محکمه جه نظر اعتباره التامسی مقایر قانون

اولدیندن بختله اعلامک تقضی استدعا سندن

اعلام مذکورک تقضیه قانون مذکورک ایکوز

قرق دردنچی ماده سی حکمنه توفیقاً کیفینک صور

محرره دائره سنده بالرؤیه اعلامه ربطی ضمننده

محکمه مذکوره به اعاده سنه وزیرده مفرداتی

مرقم اوچیوز سکسان اوج بقی غروش مصارف

تمیزیه نک ایلروده حقسز چیه حق طرفه رجوع

ایتمک اوزره اول امرده مستدعی مرقومدن

المنسنة ۱۱ تشرین ثانی سنه ۳۱۱ تاریخنده متفقاً

قرار ویرلدی .

اسکیشهر بدایت محکمه سندن ۲۱ قانون اول

سنه ۹۸ تاریخی و یوز اون درت عددی ایله

صادر اولان اعلامک تمیزینی باعریض حال استدعا

ایدن کونا هیه نک للاحسین پاشا محله سنده مقیم

تجاردن قوجه بیق اوغلی یورکی تعین اولنان کونده

دائره به کلیوب مدعی علیه اسکیشهر قصبه سی

اهالی سندن ایکن موقتاً در علیه ده سرکه جیده

آمریقاً اولتندده مقیم کره میدجی آندون ورود

ایتش اولغله ایضا حات شفاهییه سی استماع قلدقندن

ومدعی علیهک نتیجه جوابی دخی حکم مذکور

موافق اصول وقانون اولدینی و اعتراضات

مذکوره واهی ایدویکی بیانیه ردی و اعلامک

تصدیق طلبندن عبارت بولمشدر .

ایجابی مذاکره اولندقدده اعلام مذکورک

نتیجه مالی مرقوم آندونک طوغله ائمانندن از غیر

تسلیات مرقوم یورکی ذمتده الاجنی اولدینی

شهادتیه تحقق ایدن بیک التیوز یتش درت غروشک

مزبور یورکیدن تحصیلنه حکمدن عبارت اولسنه

نظراً حکم مذکور اسباب موجبیه مستند

واصول وقانونه موافق اولوب مستدعی تمیزک

بالاده محرر اعتراضاتیه اعتراضات سائره سی

تقض حکمی موجب کوریه مدیکندن اعتراضات

واقعه نک ردیه اعلام مذکورک تصدیقنه وزیرده

مفرداتی مرقم طقسان درت بقی غروش مصارف

محاکمه نک مستدعی تمیزه طاند اولق اوزره اول

امرده مدعی علیه دن اخذینه ۶ قانون ثانی سنه ۳۱۱

تاریخنده متفقاً قرار ویرله رک تفهیم قلندی .

ایکنچی تجارت محکمه سندن ۱۴ اغستوس

سنه ۳۱۱ تاریخی و یوز اوتوز بر عددی ایله

ویریلان اعلامک تمیزینی استدعا ایدن حصر

اسکله سنده اوتوز ایکی نومرولی دکانده مقیم

پینرچی صوه ولد مارقو ایله مدعی علیه زندان

قبوسنده نهابورلر ایچنده ساکن بازارچی فوطی

اوغلی بوصف یوم معینده دائره به ورود

ایتمک لردن اصول محاکمه حقوقیه قانونک ایکوز

یکرمی طقوزنجی ماده سی موجبیه تدقیقات تمیزیه

اجراسنه ابتدار اولندی .

اعلام مذکورک خلاصه مالی مزبور

یوصفک امره محرر وقاض مقاوله لی برقطعه سند

موجبیه پینرچی صوه ذمتده الاجنی اولان

غیر از استیفا اون سکنز عدد عثمانلی لیراسنک

تحصیلی حقنده اقامه ایلدیک دعوای اوزرینه

مدیون اصیل نازک اوغلی بوصف دخی جلب

اولسهرق مبلغ مدعا به بورجی اولدینی بیان

ایتمسینه مدعی علیه صوه دخی اشبو اقرارنده کاذب

اولدیندن مدعی مزبور یوصفک تحلیفی طلب

ایدرک بر موجب طلب مزبور یوصفک تحلیفی

اجرا قلنش و بوضورتله مبلغ مذکور مدعی علیه

صوه نک بورجی اولدینی تحقق ایتش اولدینغه بناء

مارالذکر سندک حاوی اولدینی یکریمی اوج عدد
عثمانی لیراسی اوزرینه سند تاریخندن حکم تاریخنه
قدر شهری یوزده اوتوز یاره دن ایجاب ایدن
گذشته نك ضمیمه بالغ اولدینی یکریمی الی لیرا
اوتوز دوت غرو شک ظهر سندده محرر بش لیرا
تسلیماتك دخی وقوعی تاریخندن اعتباراً گذشته سی
اولان التمش الی غرو شکله معاً بالتزویل متباقی
یکریمی لیرا التمش سکنز غرو شک مدعی علیه صوه دن
تحصیلنه حکمدن و مستدعی تمیزك اشبو حکم
علیهنده لایحه سندده محرر اعتراضاتك باشلوجه سی
مستند ادعا اولان سندك شکل تنظیمه نظراً
کندوسی بوصف فاذك ایله برابر مدیون اوله رق
شوحالده مجموع دیندن مسئولیتی ایجاب ایتیوب
انجق دینك نصفیه محکوم ایدلک لازم کلورایکن
مجموع دین ایله محکوم ایدلسی مضایق قانون
اولدیندن بمثله اعلامك تقضی و مدعی علیه
بوصفك نتیجه جوابی دخی اعتراضات واقعه نك
واهی و بی اساس اولدینی بیانیه ردی و اعلام
مذکورك تصدیق استدعا سندن عبارت
بولمشدر .

ایجابی مذاکره اولندقدده اعلام مذکور
مندرجاتندن منقهم اولدینغه کوره مستند ادعا

مناسرت ولایتی استیناف محکمه سندن ۲۰

اغستوس سنه ۳۱۰ تاریخی ویکرمی بر عددی ایله
ویریلان اعلامك تمیزی استندعا ایدن پرله
دائرة بلدیسی وکیل حکمت افندی یوم معینده
دائرة کلش ایسه ده مدعی علیهم پرله نك طوقات
وترزی محله لرله دسوه قریه سندده ساکن امین
وحافظ بکر و آدم و صالح حوقه افندی لر کلامش
اولدینندن یالکز وکیل مومی الیهک ایضاحات
شفاهیه سیله باش مدعی عمومی معاونلرندن سعادتلو
بورغاکی افندی نك مطالعه سی استماع قلندقدنصرکه
تدقیقات تمیزیه اجراسنه ابتدار اولندی .

اعلام مذکورك خلاصه مآلی مذکور پرله
بلدییه دائرة سی ایله مرقومان امین افندی و رفقای
ییشنده تکیون ایدن رسوم احتسابیه دعواسنه
دائر پرله قضای بدایت محکمه سندن ویریلان
اعلام علیهنده دائرة مذکوره وکیل طرفندن
اقامه اولنان استیناف دعواسی اوزرینه جریان
ایدن محاکمات و تدقیقات استینافیه نتیجه سندده
اولجه ویریلوب جلب و مطالعه اولنان استیناف
استدعا سندده اعلام مستأنف به ایله تبلیغ
علم و خبرلری ۲۹ مارت سنه ۳۰۹ تاریخنده بلدییه
دائرة سنه تودیع قلندینی محرر بولمش و تاریخ
مذکوردن ایکنجی استیناف عرضحالک تاریخ

اعطاسی اولان ۵ تموز سنه ۳۰۹ تاریخنه دکن
آرهدن دوت ماه اوج کون مرور ایلمش اولسنه
و محکمه ده کچن ایامك استیناف مدینه عدم محسوبی
حقننده بر ماده قانونیه بولنامسنه و شرائط
استینافیه نك اکیال ایدیه مامسندن طولانی اولجه
استیناف استدعا نامه سی رد ایدیه رک مدت
استینافیه نك ده اوصره ده انقضای جهتیله
نقصانك اکیالی جهته کیدیه مدیکی بیانیه مرور
مدتن طولانی دعوای استینافیه نك ردینه
حکمدن و مستدعی تمیز بلدییه دائرة سی وکیل
حکمت افندی نك اشبو حکم علیهنده کی اعتراضاتك
خلاصه سی اساساً بلدییه دائرة سی مدعی اولوب
بدایه ویریلان اعلام صورتلری اصولاً حصملرینه
تبلیغ ایدیه رک مقابلنده اخذ ایدیلان مقبوض
علم و خبرلریله اعلام اصلی بلا سند مذکور بلدییه
دائرة سنه تودیع ایدلش و بویولده اولان
اعلامات حقننده مدت استیناف جریان ایتیجه کی
بدیهی بولمش ایکن محکمه استینافیه جه بورالربنك
نظر اعتباره المنقصرین بلا سبب قانونی رد استدعا یه
قرار ویرلسی یولسر و مضایق قانون اولدینندن بمثله
اعلامك تقضی و مدعی علیهم امین افندی
ورققاسنك لایحه سندده مندرج نتیجه اجوبه سی
دخی اعتراضات مسروده نك واهی و بی اساس

اولدینی بیانیله ردی و موافق اصول و قانون اولان اعلامک تصدیق طلبندن و معاون مومی الیهک مطالعه سی ایسه عندالاستیناف اعلام ابتدائینک بلدیہ طرفندن قانوناً تبلیغ اولغیوب بلدیہ جانبندن اخذ اولغوش و بناء علیه تاریخ تبلیغک عدم وجودی حسبیله استیناف مدتک مرورینه امکان قانونی بولنامش اولدینی بیان ایدلیدیکی حالدہ اشبو جهتلر بالتدقیق حل ایدلماش اولسنه مبنی اعتراضات واقعہ نک موافق قانون اولدینی بیانندن عبارت بولمشد.

ایجابی مذاکرہ اولندوقده اعلام مذکور مطالعه سندن منقہم اولدینی اوزرہ پرلہ بلدیہ دائرہ سی طرفندن اقامہ اولنان استیناف دعواسنک مدت استینافیہ نک مرورینه واکمال نواقصہ دخی مساع قانونی بولنامسنه مبنی اولبابدہ کی استیناف دعواسنک ردینہ دائر مناسر استیناف محکمہ سندن حکم اولغوش ایسه اعلام ابتدائینک بلدیہ طرفہ قانوناً تبلیغ اولغیوب بلدیہ جانبندن اخذ اولغوش و بناء علیه تاریخ تبلیغک عدم وجودی و اعلامک دائرہ بلدیہ جانبندن خرجی ویریلہرک اخذ اولغوشی حسبیله استیناف مدتک مرورینه امکان قانونی بولنامش اولدینی دائرہ مذکورہ وکلی طرفندن عندالاستیناف درمیان قلمش ایکن محکمہ جه بورالربنک بالتدقیق حلندن ذہول اولغوشی بولسز

ومغایر قانون اولدینہ و مستدعی وکیلنک اعتراضیلہ معاون مومی الیهک مطالعه سی دخی بو جهته متدائر اولہرق شایان قبول بولندینہ بناء اصول محاکمہ حقوقیہ قانوننک ایکوز اوتوز ایکنجی مادہ سی موجبہ اعلام مذکورک تقضیلہ قانون مذکورک ایکوز قرق درونجی مادہ سی حکمنہ توفیقاً کیفیتک صور محررہ دائرہ سندن یکیدن بالرؤیہ اعلامہ ربطی ضمنتہ محکمہ مذکورہ به اعادہ سنہ وزیردہ مفرداتی مرقم یدییوز اون یحق غروش مصارف تمیزینک ایلورده حقسز جبقہ جق طرفہ رجوع ایتک اوزرہ اول امرده مستدعی بلدیہ دائرہ سندن النسنہ ۲۳ شباط سنہ ۳۱۰ تاریخندہ متفقاً قرار ویریلہرک نفہیم قلندی.

اعلان

اوچیوز اون بر سنہ سی ایلونک یدنجی پنجشنبہ کونی پانقالتیدہ اتمکچی فرونی قیوسندن

عبدالرحمن عادل افندینک ۳۱۲/۳۳۳ نومروسیلہ مقید اعلام موجبہ رشید پاشا حفیدی عزتلو علی غالب بک ذمتندہ محکوم به الاجنی اولان معلوم المقدار مبالغتک تأمین استیفاسی ضمنتہ مدیون مومی الیهک یکی کویده کوزلجہ علی پاشا محلہ سنک کوی باشی جادہ سندن اوتوز بش بیک یوز یتش بر زراعی ملک و بیک التیوز اون التی زراع محلی محمد عزت پاشا وقفندن برقطہ عرصہ اوزرینہ مبنی متصرف اولدینی مع بقیہ بر باب کوشک بک اوغلی بدایت محکمہ سی ریاست اولیسی جانبندن اعطای بیوریلان قرارہ توفیقاً تحت ججزہ الخمش اولغلہ تاریخ اعلانندن اعتباراً اون بش کون ظرفندہ بالمزایدہ فروختنہ تشبث اولنہ جنی بک اوغلی بدایت محکمہ سی اجرا مأموریتی جانبندن اعلان اولتور.

فی ۱۹ حزیران سنہ ۳۱۲

جسدی چیقارلمش اولان طنناشک کیفیت جرح و اتلافندن طولای مطنون علیہ اولان فرونجی یتر و فراریتمسندن و حقندہ اجرا ایدیلان تحقیقات و تدقیقات اوزرینہ ہیئت اتهامیہ دن جنایتلہ اتهامہ قرار ویرلمسندن ناشی اصول محاکمت جزائیہ قانون موقتک اوچیوز یتش برنجی مادہ سی موجبہ معاملہ مقتضیہ قانونیہ ایفا و محاکمہ علیہ غیابیہ سی بالاجرا جزا قانوننامہ هایوننک یوز یتش درونجی مادہ سنک فقرہ اولسنہ توفیقاً مرقومک اون بش سنہ مدتلہ کورک قونلمسنہ و اوتوز برنجی مادہ قانونیہ منطوقجہ حقوق مدنیہ دن اسقاطیلہ اموالنک جزیینہ محکمہ جنایتدن حکم اولغوش و ذکر اولنان اصول محاکمت جزائیہ قانوننک اوچیوز یتش یدنجی و اوچیوز یتش سکرنجی و اوچیوز سکسان برنجی مادہ لرلہ مواد سائرہ سی احکامنہ توفیق معاملہ اولغوشی مرجعہ بیلدیرلمش اولغلہ اعلان کیفیتہ ابتدار اولندی.

فی ۲۴ حزیران سنہ ۳۱۲

متولی قنوتلو احمد سری بکک امنہ خانم

ذمتده اوقاف هایون قساملغندن ویریلان ۱۵
 ذی الحجه سنه ۳۱۲ تاریخلی برقطعه ادا نه حبثی
 موجنبجه الاجنی اولان مبالغ معلومه نك تأمین
 استیفاسی ضمننده مدیونه مومی الیهانك عهده سنده
 اولوب مرهون و وکالت دوریه ایله فروختی
 محکوم بولنان بشکطاشده کوی ایچنده امام زاده
 زقاغنده کائن مقدما یکریمی طقوز نومرو ایله مرقم
 مناقو شربتخانه سی دیمکله عریف بر باب شربتخانه
 دروننده موجود ملک کدک والیوم تخمیناً اوچ
 یوز اوتوز عتیق زراع عرصه بوندن مقدم مزایده یه
 قونیه رقی لیرای عثمانی یوز غروش حساییله یکریمی
 بیك بشیوز غروش بدل ایله طالبی اوزرنده تقرر
 ایتمش اولدیفندن یوزده بش ضمیله بوندن دها
 زیاده طالب و اطرافلیجه تفصیلات الموق استیانیلرک
 اشبوتاریخ اعلاندن اعتباراً اوتوز برکون ظرفنده
 درساعات اعلامات شرعیه اجرا دائره سنه
 مراجعت ایلملری .

فی ۳ تموز سنه ۳۱۲

متوفی احمد ادا ورنه سنك شریفه اولکر خام
 ذمتده قسمت عسکری محکمه سندن ویریلان
 ۹ جاذی الاول سنه ۳۱۳ تاریخلی برقطعه مقتضا
 اعلامی موجنبجه الاجنی اولان مبالغ معلومه نك
 تأمین استیفاسی ضمننده مدیونه مومی الیهانك
 عهده سنده اولوب مرهون و فروختی محکوم
 بولنان چارشوی کیر قربنده بات بازاری نام
 محله کول میداننده واقع تختنده الی بر نومرو لی
 بودرومی مشتمل قرق طقوز نومرو ایله مرقم
 بر باب وقف عباچی دکانی دروننده موجود
 او طراجقی کدکنک نصف حصه شایعه سنك اشبو
 تاریخ اعلاندن اعتباراً اون بش کون صکره
 فروخته تشبث اولنه جفندن طالب اولنلرک پی
 سورمک و بوندن دها زیاده معلومات الموق استیانیلر
 مدت مذ کوره ختامندن صکره درساعات
 اعلامات شرعیه اجرا دائره سنه مراجعت
 ایلملری دائره مذ کوره دن اعلان اولتور .

فی ۶ تموز سنه ۳۱۲